



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1644. usque ad annum 1651

**Fleury, Claude**

**August. Vind. [u.a.], 1779**

**VD18 90119177**

§. 13. Monasteriensis Pacificationis initia.

---

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

lus; *Theologia Moralis Jesuitarum contra universalem Christianam Moralem*, sup-  
 primi, & in foro lacerari jussit, eo-  
 quod calumniis, mendaciis & convi-  
 tiis refertus esset.

Sæc. XVII.  
 A. C. 1644.

§. XIII.

*Monasteriensis Pacificationis initia.*

Ineunte hoc anno propior conciliandæ  
 pacis spes affulgere videbatur; com-  
 planatis enim omnibus, quæ ob secu-  
 ritatis literas, titulosque movebantur,  
 difficultatibus jamjam pro Principum  
 Legatis Monasterii hospitia parabantur:  
 die etiam decima sexta Martii Clau-  
 dius Mesmius Comes de Avaux, seu  
 Avallius Franciæ Regis Legatus diu  
 expectatus, tandem Monasterii West-  
 phalorum advenit: occurrerant eidem  
 solemnè pompa Joannes Ludovicus Nas-  
 sovix Comes Cæsaris Legatus, Didacus  
 de Saavedra & Zapata Comes Hispaniæ  
 Regis Oratores, necnon Reipublicæ  
 Venetæ Legati. Altera die Fabius  
 Chisius Sedis Apostolicæ Nuntius ur-  
 bem ingrediebatur, cui adventanti Cæ-  
 saris, Regumque Oratores cum magni-  
 fico curruum apparatu obviam ire para-  
 bant: cum autem Franciæ Orator cum  
 Hispaniæ Legatis de prærogativa præ-  
 cedendi contenderet, ne in primo pa-

*Bougeant  
 Hist. bell.  
 tric. part. 1.  
 lib. 8.  
 Adami rel.  
 Pac. West-  
 phal.  
 Gundling.  
 Discal. sup.  
 pac. W. c. 6.  
 §. 116.  
 & seq.*

Sæc. XVII. A. C. 1644. cis limine pugnam ordiri diceretur, cur-  
 rus suos præmittere recusavit, ac sub  
 specioso Nuntium splendidius honorandi  
 obtentu Sant-Romano Comiti Gallo  
 negotium dedit, ut ipse cum viginti  
 Nobilibus equo vectus, Nuntium comi-  
 taretur: Hoc consilio per Aloysium Con-  
 tarenum Venetorum Oratorem Hispani-  
 næ Legatis manifestato, mox unanimi  
 ceterorum consensu conclusum, Nuntio  
 a nemine obviam eundum, sed adven-  
 tus sui ignorantiam esse obtenden-  
 dam: ipse vero Nuntius biduo post Cæ-  
 saris Legatum primo, ac postea Fran-  
 ciæ Oratorem salutatum ibat, haud  
 parum indignantibus Hispanis, qui  
 Avallium adeuntes de bello, perinde  
 acsi nunquam devicti fuissent, & de  
 pace, tanquam medio Gallis potius quam  
 Hispanis necessario differentes, huic  
 Legato haud dissimulanter exponebant,  
 quod ex unico Christianæ Reipublicæ  
 studio pacem exoptarent, eoque pro-  
 nius cum Gallorum consiliis conspirare  
 intenderent, eoquod illi, quos aggressi  
 essent (\*), jamjam morte sublatis forent,  
 nec arma contra Regem inchoato bello  
 nondum natum diutius gerere intende-  
 rent

(\*) Ludovicum XIII. Franciæ Regem, e-  
 jusque Ministrum Cardinalem Richelium  
 innuebant.

rent. Paulopost Comes Lambergius a Cæsare decretus Monasterium venit, qui tamen, ne Franciæ & Hispaniæ Legatis de digniore loco rursus contendendi ansam præberet, ceteros Legatos de suo adventu ex industria certiores non reddidit, ac propterea ab eis solemni pompa non est exceptus: Expectabantur adhuc Brandenburgici & Batavi Oratores; Coloniensis quoque Electoris Legatus Franciscus Guilielmus de Wartenberg Widenbrugi hærebat, ac demum Catholicorum Electorum Legati exeunte primo anno advenere, & Bavarici Baro Haslangus, & Doctor Crebsius nonnisi adulto Mense Decembri Monachio discesserunt.

Interim vero Sedis Apostolicæ Nuntius indicta quadraginta horarum comprecatione prosperum comitiorum successum Deo pacis Authori enixe commendabat, ac tertio post die solemnem supplicationem cum innumero populi accursu habebat: Hæc ipsa solemnia vix non nova contentione fuissent interturbata, nisi Nuntii Pontificii moderatio primas extinxisset scintillas; cum enim hic in Ecclesia scamnum tapete tectum, ut peracta supplicatione Sacro interesset, sibi adornari curaret, mox Franciæ Oratores eidem significarunt, ut inter ceteros Oratores Catholicos

Sæc. XVII.  
A. C. 1644.

Sæc. XVII. primum quidem locum, æquali tamen  
A. C. 1644. gradu & cultu occuparet, nisi Pontifi-  
 cio habitu ornatus Sacro interesset: His  
 pacis studio cessit Nuntius; nec tamen  
 propterea cessavere Galliæ Legati; cum  
 enim in Ecclesia pro Cæsaris Oratori-  
 bus sedes uno gradu altiores fuissent  
 erectæ, ipsi primam Sedem Nuntio, a-  
 liam pro Cæsaris, & tertiam pro Fran-  
 ciæ Legatis æquali ferie collocarunt:  
 in ipsa etiam Sacra supplicatione circa or-  
 dinem Galli litem movebant; cum enim  
 Cæsaris Legati, & quidem Nassoviæ  
 Comes a dexteris, & Volmarus Doctor  
 a sinistris primi incederent, obtende-  
 bant Galli, ut ex Franciæ Oratoribus  
 præcipuus Nassovium, alter vero Vol-  
 marum comitarentur: tandem vero  
 Nuntii opera decretum est, ut Avallius  
 Nassovio, & Abel Servientus alter Fran-  
 ciæ Legatus, qui a Mazarino pacis im-  
 pediendæ studio missus credebatur, Vol-  
 maro a sinistris adesset. Porro hi ho-  
 norum apices litesque nonnisi ad augen-  
 dum temporis, rerumque dispendium  
 conferebant, dum interea populi sub  
 calamitoso belli pondere, & immani  
 vexationum mole tabescerent.

§. XIV.